

Samþykkt fyrir menntaráð Reykjavíkurborgar

Umboð

1. gr.

Menntaráð starfar í umboði borgarráðs með þeim hætti sem nánar er kveðið á um í samþykkt þessari, samþykkt um stjórn Reykjavíkurborgar og fundarsköpum borgarstjórnar nr. 638/2001 með síðari breytingum og eftir því sem lög mæla fyrir um, sbr. einnig heimild í 1. mgr. 41. gr. sveitarstjórnarlaga nr. 45/1998.

Verksvið

2. gr.

Menntaráð mótar stefnu í menntamálum barna í grunnskólum Reykjavíkurborgar og tekur ákvarðanir og gerir tillögur til borgarráðs um verksvið þess. Jafnframt hefur ráðið eftirlit með að samþykktum og stefnumörkun borgarinnar í menntamálum sé fylgt og fylgist með gæðum skólastarfs. Þá fer ráðið með önnur þau verkefni sem borgarráð ákveður.

3. gr.

Menntaráð fer með verkefni skólanefndar skv. grunnskólalögum nr. 91/2008.

Til þess að vinna að markmiðum skv. 2. gr. og fullnægja kröfum grunnskólalaga hefur menntaráð m.a. með höndum eftirtalin verkefni:

1. Gerir tillögur til borgarráðs um stefnu Reykjavíkurborgar í menntamálum barna á grunnskólaaldri.
2. Fylgir því eftir að öll skólaskyld börn sem rétt eiga á skólavist í Reykjavík njóti lögboðinnar fræðslu.
3. Staðfestir starfsáætlanir skóla ár hvert og skólanámskráa einstakra skóla.
4. Fylgist með framkvæmd náms og kennslu í Reykjavík og gerð skólanámskrár og gerir tillögur til skólastjóra og/eða borgarráðs um umbætur í skólastarfi.
5. Fylgist með og stuðlar að því að nemendum og skólum sé tryggður aðgangur að sérfræðipjónustu.
6. Gætir þess að jafnan sé fyrir hendi viðeigandi húsnæði fyrir kennslu og annar aðbúnaður, þ.m.t. útvistar- og leiksvæði nemenda, Gerir tillögur til borgarráðs um byggingu nýrra grunnskóla og viðbyggingar við eldri skóla.
7. Hefur eftirlit með að ákvæði laga og reglugerða séu uppfyllt og gerir tillögur til borgarstjórnar um úrbætur.
8. Stuðlar að tengslum og samstarfi leikskóla og grunnskóla annars vegar og grunnskóla og framhaldsskóla hins vegar.
9. Hefur eftirlit með starfi sjálfstætt starfandi grunnskóla og tónlistarskóla sem styrktir eru af Reykjavíkurborg,
10. Hefur eftirlit með starfsemi skólahljómsveita og fullorðinsfræðslu á vegum Reykjavíkurborgar.
11. Fylgir eftir framkvæmd 47. gr. laga um framhaldsskóla nr. 92/2008 varðandi stofnun og byggingu framhaldsskóla.
12. Skipar fulltrúa Reykjavíkurborgar í skólanefndir/stjórnir tónlistarskóla, sbr. 3. gr. laga um fjárhagslegan stuðning við tónlistarskóla nr. 75/1985.
13. Gerir tillögur til borgarráðs um þjónustugjöld.

14. Gerir tillögur til borgarráðs um fjárframlög á grunni þjónustusamninga til grunnskóla og tónlistarskóla á vegum annarra aðila en Reykjavíkurborgar, s.s. einkafyrirtækja eða félaga, og hefur frumkvæði að gerð reglna þar um.

Ágreiningi um hvort tiltekið erindi eigi undir ráðið ber að vísa til borgarráðs.

4. gr.

Menntaráð skal í störfum sínum fylgja eftirfarandi almennum samþykktum borgarstjórnar og borgarráðs:

1. Stefnukorti borgarinnar
2. Starfsmannastefnu
3. Upplýsingastefnu
4. Upplýsingatækni- og gagnastefnu
5. Mannréttindastefnu
6. Innkaupastefnu og innkaupareglum
7. Stefnu um fjölmennningarlegt samfélag
8. Umhverfisstefnu
9. Reglum um auglýsingu og afgreiðslu almennra styrkumsókna
10. Reglum um meðferð trúnaðarupplýsinga
11. Stefnu í erlendum samskiptum
12. Siðareglum
13. Leikreglum með fjárhagsáætlun

Skipan

5. gr.

Menntaráð er skipað 7 fulltrúum kjörnum af borgarstjórn og jafnmörgum til vara. Borgarstjórn kýs formann og skal hann vera borgarfulltrúi eða varaborgarfulltrúi. Ráðið kýs sér varaformann og skiptir að öðru leyti með sér verkum. Kjörtímabil ráðsins er hið sama og borgarstjórnar.

Framboðslista sem á fulltrúa í borgarstjórn er heimilt skv. 61 gr. samþykktar um stjórn Reykjavíkurborgar og fundarsköp borgarstjórnar, að tilnefna borgarfulltrúa eða varaborgarfulltrúa til að sitja fundi menntaráðs með málfrelsi og tillögurétt, eigi hann ekki fulltrúa í ráðinu.

Fulltrúar skólastjóra, kennara og foreldra eiga rétt til setu á fundum ráðsins með málfrelsi og tillögurétt, sbr. 4. mgr. 6. gr. laga nr91/2008 um grunnskóla.

Menntaráð getur í sérstökum tilfellum skipað undirnefndir, starfs- eða vinnuhópa til að fjalla um afmörkuð mál eða málaflokka. Slíkum nefndum og hópum skal setja erindisbréf þar sem skilgreind eru helstu verkefni og starfinu sett tímamörk. Tilkynna skal um skipan allra undirnefnda, starfs- og vinnuhópa til borgarráðs.

Verkstjórn og verkaskipting

6. gr.

Formaður menntaráðs er í forsvari fyrir það um stefnumótun og ákvarðanir þess, eftir því sem við á, og hefur ásamt öðrum fulltrúum í ráðinu eftirlit með framkvæmd mótaðrar stefnu á verkswiði ráðsins.

Fræðslustjóri ber ábyrgð á framkvæmd ákvarðana menntaráðs og rekstri og stjórnsýslu sviðsins og stofnana er undir það heyra, þ.m.t. að fjármál og starfsmannamál séu innan heimilda og í samræmi við stefnu borgaryfirvalda.

Boðun funda og fundarsköp

7. gr.

Menntaráð heldur að jafnaði tvo fundi í mánuði. Formaður getur boðað til aukafundar eftir þörfum. Komi fram ósk þriggja ráðsmanna um fund í ráðinu ber að verða við því. Fella má niður fundi í allt að tvo mánuði að sumarlagi.

Formaður boðar til funda, ákveður dagskrá í samráði við fræðslustjóra og stýrir fundum ráðsins. Á dagskrá skulu m.a. tekin mál, sem fulltrúar í ráðinu hafa óskað eftir að tekin verði þar fyrir, enda séu þau á verksviði ráðsins. Fundir skulu boðaðir með a.m.k. sólarhrings fyrirvara og skal dagskrá fylgja fundarboði.

Heimilt er að taka mál til meðferðar í ráðinu þótt ekki sé það tilgreint á útsendri dagskrá, en skylt er þá að fresta afgreiðslu þess til næsta fundar, sé þess óskað.

Um fundarsköp fer eftir samþykkt um stjórn Reykjavíkurborgar og fundarsköp borgarstjórnar nr. 638/2001, eftir því sem við á.

Fræðslustjóri eða staðgengill hans skal sitja fundi menntaráðs með málfrelsi og tillögurétt. Þá getur ráðið boðað til fundar einstaka starfsmenn Reykjavíkurborgar, sem og aðra þá sem það telur þörf á hverju sinni.

Fundaskipulag og ritun fundargerða

8. gr.

Ráðsfundur skal að jafnaði haldinn fyrir luktum dyrum og er þá óheimilt að greina opinberlega frá ummælum sem fram koma hjá einstökum fundarmönnum.

Menntaráð skal halda gerðabók og senda eftirrit fundargerðar til borgarráðs jafnóðum. Um ritun fundargerða fer eftir verklagsreglum skrifstofu borgarstjórnar. Menntasvið sér um skrifstofuhald fyrir menntaráð og leggur því til fundarritara.

Í upphafi árs skal kynna fundadagatal ráðsins. Þar komi m.a. fram tímasetning fundar til undirbúnings starfs- og fjárhagsáætlunar og yfirferðar ársfjórðungsuppgjöra, ásamt tímasetningu opinna funda og samráðsfunda með leikskólaráði og hagsmunaaðilum, eftir því sem við á.

Samráð

9. gr.

Menntaráð ber ábyrgð á upplýsingamiðlun og samráði við foreldra, íbúa, félagasamtök og aðra hagsmunaaðila sem tengjast verkefnum ráðsins. Auk lögbundins samráðs skal menntaráð leita umsagna eða annars samráðs þegar við á og efni mála gefa tilefni til.

Við undirbúning veigamikillar stefnumörkunar til langs tíma skal leggja fram í ráðinu sérstaka áætlun um hvernig haga á samráði við stefnumótun.

Menntaráð heldur a.m.k. einn opinn fund á ári.

Fjármál

10. gr.

Menntaráð fær fjárhagsramma vegna verkefna sem undir það heyra og felur fræðslustjóra að vinna starfsáætlun og tillögur í frumvarp að fjárhagsáætlun í samræmi við stefnumótun og forgangsröðun ráðsins.

Ráðið afgreiðir starfsáætlun og hefur eftirlit með að tillögur í frumvarpi að fjárhagsáætlun séu í samræmi við starfsáætlun og mótaða stefnu.

Tillögur um breytingar á rekstrinum sem leiða til breytinga á gjaldskrá eða þjónustu skal sérstaklega skýra og rökstyðja. Formaður menntaráðs og fræðslustjóri kynna borgarráði starfsáætlun og tillögur í frumvarpi að fjárhagsáætlun.

Ráðningar

11. gr.

Borgarráð ræður fræðslustjóra að fenginni tillögu borgarstjóra, til fimm ára í senn.

Menntaráð ræður skólastjóra grunnskóla að fenginni tillögu fræðslustjóra.

Fræðslustjóri ræður í aðrar stjórnunarstöður á Menntasviði.

Málsmeðferð

12. gr.

Við undirbúning mála og stjórnvaldsákvörðanir skal þess gætt að farið sé að stjórnvísulögum og verklagsreglum um stjórnvísuluna.

Óski aðili frekari rökstuðnings eða beri hann fram kvörtun vegna afgreiðslu menntaráðs skal honum leiðbeint um réttarstöðu sína, m.a. um heimild til að óska endurupptöku stjórnvaldsákvörðunar í borgarráði með hliðsjón af 24. gr. stjórnvísulaga. Telji borgarráð að skilyrði endurupptöku séu fyrir hendi skal menntaráð taka mál upp að nýju.

Um hæfi kjörinna fulltrúa og starfsmanna vísast í samþykkt um stjórn Reykjavíkurborgar og fundarsköp borgarstjórnar.

Samþykkt þessi tekur gildi xx. xxxx 2009 og fellur þá úr gildi samþykkt fyrir menntaráð frá 17. ágúst 2006.

Samþykkt í borgarráði, í umboði borgarstjórnar, 2. júlí 2009